



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Magdeburgae. Jul. Cæs. Scaliger.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

HERVORDIÆ.

351

Nulli sine Marte triumpho.

VITA CRESCENDO DECRESCIT.

MORS LILIA SENTIBUS ÆQUAT.

*Nil fragile à fracto differt; quod tu esse solebas,
Ipse fui, si es tu quoq; sum quod ego.*



HERVORDIÆ.

TUMULUS

Jo. GLANDORPII MONASTERIENSIS
scholæ ibid. Rectoris.

Luce bis undena Februi Glandorpius atris
Absumptus curis in sua fata ruit.

*Ossa boni cineresq; viri regit humida tellus,
Aspectu fruitur mens animosa Dei.*

E regione hujus tumuli in columna lapidea.

*Glandorpi, cujus studiumq; fidemq; juvenus
Sensit, amans tellus hoc capit ossa sola.*

De eodem Henr. Sibæus Olphenius.

Lector amans Christi, jacet hic Glandorpius ille,

Musarum cultor, Pieridumq; decus.

*Quem nunquam vivum Germania tota prehendit,
Defunctum tumulus continet exiguus.*

MAGDEBURGÆ.

JUL. CÆS. SCALIGER.

Vos ego magnanimis invictos Saxonas armis,
Atq; graves Martis turbine canto duces.

Non Macedo tu miles eras. Sic Gracia mendax

Facta tua in laudes transtulit alta suas.

Non veteres huc te quondam misere Britannia

Quin jam servavit terra Britannia tibi.

*Ipsa tua es: primumq; tuis cum montibus orta:
Cum cali ipsius finibus orta tui.*

Dives agri, dives quasita vestis, & auri:

Gens, dubium est, armis justitiãne prior.

Est hominis, patriis alios bene vincere telis:

Justitia teipsam vincere velle, Dei est.

Otto primus Imp. obiit anno Christi 974 in monasterio Memlebio; inde Magdeburgum avectus, ibique prope conjugem Editam sepultus est, cum hac inscriptione:

*Tres luctus causa sunt hoc sub marmore clausa,
Rex, decus Ecclesia, summus honor patria.*

IN MEDIO FORO URBIS
veteris.

Rolandum vix vetustate agnitum, Consules D. Joan. Scheyring, artium & utriusq; Juris Doctor: & D. Heyne Aleman, S. P. Q. M. expensis renovari ac restaurari curarunt. Anno Domini M. D. XXXIX.

SERVESTAE.

INSCRIPTIO GYMNASII

HÆc rase nuper fratrum fundata caterva,

Atq; cuculligero tecta dicata gregi,

Aonidum addixit templis, Christosq; sacravit.

Ascania princeps fama decusq; domus.

Sic de tergemino meritis praclarior orbe,

Sic rebus patria commoda plura ferens,

Quam cum pervigili Alcides custode perempto,

Abstulit ad Grajos aurea poma lares.

Deniq; sic magni mensuram nominis implens

Ascanæ quod primo de genitore refert.

Salve Musarum spes, & pietatis asylum,

Quo florent urbes praeside, rura, foci.